



LOVE GOD GREATLY AFRIKAANS

*Joernaal*

*DIE BELANGRIKHEID VAN GEBED*

Kopiereg © 2021 deur Love God Greatly Bediening

Toestemming word verleen om hierdie dokument te druk en te herproduseer vir die doel om die *Die Belangrikheid van Gebed* aanlyn Bybelstudie te voltooi. Moet asseblief nie hierdie dokument op enige manier verander nie. Alle regte voorbehou.

Gepubliseer in Dallas deur Love God Greatly.

---

## **‘n Woord aan Ouers**

Hierdie boek is die resultaat van ‘n begeerte om ‘n bygaande studie joernaal vir kinders te hê wat saam met die *Die Belangrikheid van Gebed* joernaal vir volwassenes gebruik kan word.

Love God Greatly Afrikaans is toegewy om God se Woord beskikbaar te maak aan ons pragtige gemeenskap van vrouens... en nou het vrouens die geleentheid om God se Woord met hulle kinders te deel deur hierdie studie wat uniek ontwerp is vir jong harte.

---



# INHOUDSOPGAVE

<i>07</i>	INLEIDING
<i>08</i>	LEESPLAN
<i>11</i>	JOU DOELWITTE
<i>12</i>	WEEK 1
<i>28</i>	WEEK 2
<i>46</i>	WEEK 3
<i>62</i>	WEEK 4
<i>80</i>	WEEK 5
<i>98</i>	WEEK 6



# INLEIDING

## DIE BELANGRIKHEID VAN GEBED

### HALLOI ONS IS BLY JY IS HIER!

Hierdie Bybelstudie gaan alles oor GEBED! God praat baie oor gebed in die Bybel. As Hy ons aanmoedig om heeltyd te bid, moet dit mos belangrik wees, of hoe? Kom ons praat oor hoekom dit so belangrik is om te bid!

### GEBED IS 'N GAWE.

As ons bid, praat ons met God. Ons kan met Hom praat net wanneer ons wil! Partykeer is ons te skaam om vir mense te sê wat ons dink. Ons dink hulle sal nie verstaan nie of hulle sal dink ons is laf. Maar deur die gawe van gebed kan ons vir God sê net wat ons wil, net wanneer ons wil! En weet jy wat? God luister en Hy dink nooit ons is laf nie.

### GEBED NOOI GOD OM ONS TE HELP.

Ons het baiekeer hulp nodig maar ons is te trots om te vra. Ons kan hulp nodig hê met ons vriendskappe, ons broers en susters, ons ouers, ons skoolwerk of soms ook met wat ons self dink of doen. God wil ons help om deur elke dag te kom. God is lief daarvoor as ons na Hom toe gaan en Hom vra om te help.

### WIE IS GOD?

God is die skepper van die hemel en aarde. Hy het alles en vir ons gemaak. Hy weet wat ons nodig het nog voordat ons weet. Wat God anders maak as enigiemand anders, is dat hy heilig is; dit beteken Hy kan nie sonde doen nie. God is regverdig; dit beteken dat Hy alles reg doen. God is rein; dit beteken dat Hy vlekkeloos en skoon is en dat daar niks onreins is aan Hom nie.

### WIE IS ONS?

Ons is God se skepping. Hy het ons gemaak om 'n verhouding met Hom te hê. Sonde het gemaak dat ons van ons heilige God geskei is. God het ons so liefgehad dat Hy vir ons 'n manier gegee het om in 'n verhouding met Hom te wees. Hy het sy Seun Jesus gestuur om vir ons sondes te sterf en dit vir ons moontlik gemaak om by God te wees. As gevolg van Jesus kan ons 'n verhouding met God hê, tot God bid en vir ewig saam met God wees!

### GEBED IS BELANGRIK WANT:

Gebed laat ons op Jesus fokus, dit gee ons krag, en bring ons naby God. Gebed vertroos ons en bring vrede in ons harte. Dit is 'n wegkruipplek in hartseer tye en 'n plek waar ons gesond word wanneer ons seer het. Gebed is 'n tyd om hulp te vra en 'n tyd om God te loof en te aanbid.

Jesus het vir ons 'n voorbeeld gestel in die manier waarop Hy tot God, sy Vader, gebid het. Hy het elke dag tot God gebid en ons word aangemoedig om dit ook te doen.

# SOAP LEESPLAN

## WEEK 1 - DIE BELANGRIKHEID VAN GEBED

Maandag: Wees Toegewyd aan Gebed

Lees: Handeling 2:42-47

SOAP: Handeling 2:42

Dinsdag: Nader God met Vertroue

Lees: Hebreërs 4:15-16

SOAP: Hebreërs 4:16

Woensdag: Eerbiedig God en Sy Wysheid

Lees: Jeremia 10:6-7

SOAP: Jeremia 10:6-7

Donderdag: Prys Die Naam van die Here

Lees: Psalm 145

SOAP: Psalm 145:2-3

Vrydag: Bid Vir Mekaar

Lees: Romeine 15:30; Kolossense 1:9-12

SOAP: Kolossense 1:9

## WEEK 2 - MAAK GEBED 'N PRIORITEIT

Maandag: Vind Tyd vir Gebed

Lees: Matteus 14:23; Markus 1:35

SOAP: Markus 1:35

Dinsdag: Versoen met Ander

Lees: Matteus 5:17-24

SOAP: Matteus 5:23-24

Woensdag: Die Krag van Gebed

Lees: Lukas 8:40-42, 49-56; Handeling 9:36-43

SOAP: Handeling 9:40

Donderdag: Kniel Voor die Vader

Lees: Efesiërs 3:14-19

SOAP: Efesiërs 3:14-16

Vrydag: Bid Om In Christus Te Bly

Lees: Johannes 15:1-8

SOAP: Johannes 15:5



## **WEEK 3 - BID MET VRYMOEDIGHEID**

Maandag: Bid Jubelend in Hoop

Lees: Romeine 5:1-5

SOAP: Romeine 5:1-2

Dinsdag: Bid Volgens Sy Wil

Lees: 1 Johannes 5:13-15

SOAP: 1 Johannes 5:14

Woensdag: Bid Met Vertroue

Lees: Efesiërs 3:1-13

SOAP: Efesiërs 3:11-12

Donderdag: Bid vir God se Koninkryk en Jou Daaglikse Sake

Lees: Matteus 6:5-13; 7:7-11

SOAP: Matteus 7:11

Vrydag: Bid met die Wete dat die Gees Intree

Lees: Romeine 8:26-27

SOAP: Romeine 8:27

## **WEEK 4 - HOE GOD GEBED VERHOOR**

Maandag: 'n Gebed Vir Sy Krag

Lees: 2 Korintiërs 12:6-10

SOAP: 2 Korintiërs 12:8-9

Dinsdag: God Onthou

Lees: 1 Samuel 1:1-20

SOAP: 1 Samuel 1:10, 19-20

Woensdag: In Afwagting Op God se Antwoord

Lees: Klaagliedere 3:19-26

SOAP: Klaagliedere 3:25-26

Donderdag: As Verowerende, Verterende Vuur

Lees: 1 Konings 18:20-39

SOAP: 1 Konings 18:38-39

Vrydag: Oneindig Meer As Wat Ons Bid Of Dink

Lees: Johannes 1:16; Efesiërs 3:20-21

SOAP: Johannes 1:16; Efesiërs 3:20

## **WEEK 5 - WY JOU TOE AAN GEBED**

Maandag: Wy Jou Toe Om Verwagtingsvol Te Wag  
Lees: Psalm 5; Spreuke 8:17  
SOAP: Psalm 5:4

Dinsdag: Wy Jou Toe Om Tevrede Te Wees In God  
Lees: Psalm 63  
SOAP: Psalm 63:6-7

Woensdag: Wy Jou Toe Aan Lofprysing  
Lees: Psalm 100  
SOAP: Psalm 100:4-5

Donderdag: Wy Jou Toe Om Sy Krag Te Soek  
Lees: Psalm 18  
SOAP: Psalm 18:7

Vrydag: Laat Toe Dat Hy Jou Van Jou Sondes Reinig  
Lees: Psalm 51  
SOAP: Psalm 51:12

## **WEEK 6 - GAAN TOT AKSIE OOR**

Maandag: Bid vir Jou Verhoudings  
Lees: Kolossense 3:12-17  
SOAP: Kolossense 3:12-13

Dinsdag: Bid vir Jou Kinders en die Volgende Generasie  
Lees: Matteus 22:37; 2 Petrus 3:18  
SOAP: Matteus 22:37

Woensdag: Bid vir Jou Vriende  
Lees: Johannes 15:12-13; 1 Petrus 4:8-10  
SOAP: Johannes 15:13

Donderdag: Bid vir Jou Gemeente en die Kerk  
Lees: Matteus 16:18; Filippense 1:9-11; Die Openbaring 2:4  
SOAP: Filippense 1:9-11

Vrydag: Bid vir Jouself  
Lees: Psalm 91:1-4; 103:1-5  
SOAP: Psalm 103:1-5

# JOU DOELWITTE

1. Ons glo dat dit belangrik is om doelwitte neer te skryf vir hierdie studie. Neem nou tyd en skryf drie doelwitte neer waarop jy wil fokus soos jy elke dag opstaan en in God se Woord delf.

2. Maak seker dat jy terugverwys na hierdie doelwitte tydens die volgende paar weke, om jou te help om gefokus te bly. Jy kan dit doen!

3.

Handtekening:

Datum:

# GEBED

SKRYF JOU GEBEDSVERSOEKE EN  
LOFPRYSINGS VIR ELKE DAG NEER.

Gebedsfokus vir hierdie week:  
Spandeer tyd om vir jou familie te bid.

MAANDAG

DINSDAG

WOENSDAG

DONDERDAG

VRYDAG

## WEEK 1

Kom ons gaan dan met  
vrymoedigheid na die  
genadetroon, sodat ons  
barmhartigheid en genade  
ontvang en so op die regte  
tyd gered kan word.

**Hebreërs 4:16**

---

# SKRIFGEDEELTES VIR WEEK 1

## MAANDAG

*Handelinge 2:42-47*

Hulle het hulle heelhartig toegelê op die leer van die apostels en die onderlinge verbondenheid, die gemeenskaplike maaltyd en die gebede. 43 Die apostels het baie wonders en tekens gedoen, en dit het almal met diep ontsag vervul. 44 Al die gelowiges was eensgesind en het alles met mekaar gedeel. 45 Hulle het hulle grond en besittings verkoop en die geld aan almal uitgedeel volgens elkeen se behoefte. 46 Hulle het almal elke dag getrou by die tempel bymekaargekom, van huis tot huis die gemeenskaplike maaltyd gehou, hulle kos met blydschap en in alle eenvoud geëet, 47 en God geprys. Die hele volk was hulle goedgesind. En die Here het elke dag mense wat gered word, by die gemeente gevoeg.

## DINSDAG

*Hebreërs 4:15-16*

Die Hoëpriester wat ons het, is nie Een wat geen medelye met ons swakhede kan hê nie; Hy was immers in elke opsig net soos ons aan versoeking onderwerp, maar Hy het nie gesondig nie. 16 Kom ons gaan dan met vrymoedigheid na die genadetroon, sodat ons barmhartigheid en genade ontvang en so op die regte tyd gered kan word.

## WOENSDAG

*Jeremia 10:6-7*

Waar is iemand soos U, Here? U is groot, die mag van u Naam is groot. 7 Wie sou U nie dien nie, Koning van die nasies? Dit kom U toe. Onder al die wyse mense, onder al die konings van die nasies, is daar niemand soos U nie.

## DONDERDAG

*Psalm 145*

'n Loflied van Dawid

Ek wil u lof verkondig, my God en Koning, ek wil u Naam altyd loof. 2 Elke dag wil ek U loof, ek wil u Naam altyd prys. 3 Die Here is groot, alle lof kom Hom toe, sy grootheid is ondeurgrondelik. 4 Geslag na geslag prys wat U doen en vertel van u magtige dade, 5 van die luister, die heerlikheid van u majesteit. Ek wil getuig van u magtige dade, 6 sodat die mense oor u wonderdade sal praat. Ek wil van u grootheid vertel. 7 Sonder ophou moet hulle u groot goedheid verkondig en oor u reddingsdade jubel. 8 Genadig en barmhartig is die Here, lankmoedig en vol liefde. 9 Die Here is vir almal goed en barmhartigheid oor alles wat Hy geskep het.

10 Almal wat deur U geskep is, loof U, Here, en u troue dienaars prys U! 11 Hulle vertel van u koninklike mag en getuig van u groot krag. 12 Die mense moet weet van sy krag, van sy koninklike mag en majesteit. 13 U koningskap is 'n koningskap vir alle tye, u heerskappy strek oor die geslagte heen. 14 Die Here help almal op wat geval het. Hy ondersteun dié wat bedruk is. 15 Die oë van almal is op U gerig, en U gee hulle kos op hulle tyd. 16 U maak u hand oop en skenk u guns in oorvloed aan almal wat leef. 17 Die Here is regverdig in al sy handeling, getrou in alles wat Hy doen. 18 Die Here is naby almal wat hom aanroep, almal wat Hom in opregtheid aanroep. 19 Aan dié wat Hom dien, gee Hy wat hulle vra, Hy hoor as hulle om hulp roep, en Hy red hulle. 20 Die Here beskerm almal wat Hom liefhet, maar al die goddeloses verdelf Hy. 21 Ek sal die lof van die Here verkondig. Laat al wat leef, sy heilige Naam vir altyd prys.

## VRYDAG

*Romeine 15:30*

Ek versoek julle dan dringend, broers, in die Naam van ons Here Jesus Christus en op grond van die liefde wat van die Heilige Gees kom: Stry saam met my deur vir my te bid

*Kolossense 1:9-12*

Daarom, van die dag af dat ons van julle gehoor het, hou ons ook nie op om vir julle te bid nie. Ons vra God dat Hy deur al die wysheid en insig wat die Gees gee, julle sy wil duidelik sal laat ken, 10 sodat julle tot eer van die Here sal lewe deur net te doen wat Hy verlang. Mag julle vrugte dra deur goeie werke en toeneem in die kennis vna God. 11 Mag God deur sy wonderbare krag julle alle sterkte gee om in alle omstandighede geduldig te volhard. 12 Met blydschap moet julle die Vader dank wat julle geskik gemaak het om deel te hê aan die erfenis wat vir die gelowiges wag in die ryk van die lig.

























HIERDIE WEEK  
HET EK GELEER...

GEBRUIK DIE SPASIE HIER ONDER OM 'N PRENTJIE  
TE TEKEN OF TE SKRYF OOR WAT JY HIERDIE WEEK  
GELEER HET UIT JOU TYD IN GOD SE WOORD.



# GEBED

SKRYF JOU GEBEDSVERSOEKE EN  
LOFPRYSINGS VIR ELKE DAG NEER.

Gebedsfokus vir hierdie week:  
Spandeer tyd om vir jou land te bid.

MAANDAG

DINSDAG

WOENSDAG

DONDERDAG

VRYDAG

## WEEK 2

Die môre vroeg,  
toe dit nog nag was,  
het Hy opgestaan en  
buitentoe gegaan na 'n  
eensame plek en daar gebid.

**Markus 1:35**

---

# SKRIFGEDEELTES VIR WEEK 2

## MAANDAG

*Matteus 14:23*

Nadat Hy die mense weggestuur het, het Hy alleen na die berg toe gegaan om te bid. Toe dit aand word, was Hy daar alleen.

*Markus 1:35*

Die môre vroeg, toe dit nog nag was, het Hy opgestaan en buitentoe gegaan na 'n eensame plek en daar gebid.

## DINSDAG

*Matteus 5:17-24*

“Moenie dink dat Ek gekom het om die wet of die profete ongeldig te maak nie. Ek het nie gekom om hulle ongeldig te maak nie, maar om hulle hulle volle betekenis te laat kry. 18 Dit verseker Ek julle: Die hemel en die aarde sal eerder vergaan as dat een letter of lettergrepie van die wet sal wegval voordat alles voleindig is. 19 “Wie dan ook een van die geringste van hierdie gebooië ongeldig maak en die mense so leer, sal die minste geag word in die koninkryk van die hemel. Maar wie die wet gehoorsaam en ander so leer, sal hoog geag word in die koninkryk van die hemel. 20 Ek sê vir julle: As julle getrouheid aan die wet nie meer inhou as dié van die skrifgeleerdes en die Fariseërs nie, sal julle nooit in die koninkryk van die hemel ingaan nie.”

21 “Julle het gehoor dat daar van die ou tyd af aan die mense gesê is: ‘Jy mag nie moord pleeg nie; en elkeen wat moord pleeg, is strafbaar voor die regbank.’ 22 Maar Ek sê vir julle: Elkeen wat vir sy broer kwaad is, is al strafbaar voor die regbank. Verder, elkeen wat sy broer uitskel vir 'n gek, is strafbaar voor die Joodse Raad; en wie hom uitskel vir 'n idioot, is strafbaar met die helse vuur. 23 “As jy dus jou gawe na die altaar toe bring en dit jou daar byval dat jou broer iets teen jou het, 24 laat staan jou gawe daar by die altaar en gaan maak eers vrede met jou broer en kom dan en bring jou gawe.

## WOENSDAG

*Lukas 8:40-42*

Toe Jesus van die oorkant af terugkom, het die mense Hom verwelkom, want almal was Hom te wagte. 41 Skielik kom daar 'n man aan. Dit was Jäirus, 'n raadslid van die sinagoge. Hy

het op sy knieë voor Jesus se voete geval en Hom gesmeek om na sy huis toe te kom, 42 want sy enigste dogter het op sterwe gelê. Sy was omtrent twaalf jaar oud. Op pad daarheen het die mense om Jesus saamgedrom.

#### *Lukas 8:49-56*

Terwyl Hy nog praat, kom daar iemand van die raadslid van die sinagoge se huis af om te sê: “U dogter is al dood. Moenie nog ons Leermeester lastig val nie.” 50 Maar Jesus het dit gehoor en sê vir hom: “Moet jou nie ontstel nie. Glo net, en sy sal gered word.” 51 Toe Jesus by die huis kom, het Hy niemand toegelaat om saam met Hom in te gaan nie, behalwe Petrus, Johannes en Jakobus, en die kind se pa en ma. 52 Die mense daar het almal gehuil en oor haar rou bedryf. Maar Jesus sê: “Moenie huil nie, want sy is nie dood nie, sy slaap net.”

53 Hulle het Hom uitgelag, want hulle was seker dat sy dood is. 54 Maar Jesus het haar hand gevat en uitgeroep: “Dogtertjie, staan op!” 55 Haar lewe het teruggekom, en sy het onmiddelik opgestaan. Toe gee Jesus opdrag dat hulle vir haar iets te ete moet gee. 56 Haar ouers was stom van verbasing, en Jesus het hulle verbied om vir iemand te vertel wat gebeur het.

#### *Handelinge 9:36-43*

In Joppe was daar ’n gelowige vrou met die naam Tabita, in Grieks Dorkas. Sy was altyd besig om goed te doen en die armes te help. 37 Juis in die tyd toe Petrus in Lidda was, het sy siek geword en gesterwe. Hulle het haar gewas en in ’n bokamer neergelê. 38 Aangesien Lidda naby Joppe is en die gelowiges gehoor het dat Petrus daar is, het hulle twee mans na hom toe gestuur met die versoek: “Kom tog gou na ons toe oor.”

39 Petrus het dadelik saam met hulle gegaan en toe hy daar kom, het hulle hom na die bokamer toe geneem. Al die weduwees het by hom kom staan en snikkend vir hom die klere gewys wat Dorkas gemaak het toe sy nog gelewe het. 40 Nadat Petrus almal uitgestuur het, het hy gekniel en gebed. Toe het hy na die liggaam gedraai en gesê: “Tabita, staan op!” Sy het haar oë oopgemaak en toe sy vir Petrus sien, het sy regop gesit. 41 Hy het haar met die hand help opstaan, die weduwees en die ander gelowiges geroep en haar lewend voor hulle gebring. 42 Die hele Joppe het hiervan gehoor, en baie mense het tot geloof in die Here gekom. 43 Petrus het geruime tyd daar in Joppe gebly by ’n sekere Simon, ’n leerlooier.

## DONDERDAG

#### *Efesiërs 3:14-19*

Daarom kniel ek in gebed voor die Vader 15 aan wie die hele gemeenskap van gelowiges in die hemel en op die aarde sy bestaan te danke het. 16 Ek bid dat Hy deur sy Gees uit die rykdom van sy heerlijkheid aan julle die krag sal gee om innerlik sterk te word, 17 dat Christus deur die geloof in julle harte sal woon en dat julle in die liefde gewortel en

gegrondves sal wees. 18 Mag julle in staat wees om saam met al die gelowiges te begryp hoe wyd en ver en hoog en diep die liefde van Christus strek. 19 Mag julle sy liefde ken, liefde wat ons verstand te bowe gaan, en mag julle heeltemal vervul word met die volheid van God.

## VRYDAG

*Johannes 15:1-8*

“Ek is die ware wingerdstok en my Vader is die boer. 2 Elke loot aan My wat nie vrugte dra nie, sny Hy af; maar elkeen wat vrugte dra, snoei Hy reg, sodat dit nog meer vrugte kan dra. 3 Julle is alreeds reg gesnoei deur die woorde wat Ek vir julle gesê het. 4 Julle moet in My bly en Ek in julle. ’n Loot kan nie uit sy eie vrugte dra as hy nie aan die wingerdstok bly nie; en so julle ook nie as julle nie in My bly nie.

5 “Ek is die wingerdstok, julle die lote. Wie in My bly en ek in Hom, dra baie vrugte, want sonder My kan julle niks doen nie. 6 As iemand nie in My bly nie, word hy weggegooi soos ’n loot en hy verdroog. Die mense maak sulke lote bymekaar en gooi dit in die vuur, en dit verbrand. 7 As julle in My bly en my woorde in julle, vra dan net wat julle wil hê, en julle sal dit kry. 8 My Vader word juis daardeur verheerlik dat julle baie vrugte dra en my dissipels is.”



























HIERDIE WEEK  
HET EK GELEER...

GEBRUIK DIE SPASIE HIER ONDER OM 'N PRENTJIE  
TE TEKEN OF TE SKRYF OOR WAT JY HIERDIE WEEK  
GELEER HET UIT JOU TYD IN GOD SE WOORD.



# GEBED

SKRYF JOU GEBEDSVERSOEKE EN  
LOFPRYSINGS VIR ELKE DAG NEER.

Gebedsfokus vir hierdie week:  
Spandeer tyd om vir jou vriende te bid.

MAANDAG

DINSDAG

WOENSDAG

DONDERDAG

VRYDAG

## WEEK 3

En nou kan ons met  
vrymoedigheid na God gaan,  
omdat Hy ons gebede  
verhoor as ons enigiets  
volgens sy wil vra.

**1 Johannes 5:14**

---

# SKRIFGEDEELTES VIR WEEK 3

## MAANDAG

*Romeine 5:1-5*

God het ons dan nou vrygespreek deurdat ons glo. Daarom is daar nou vrede tussen ons en God deur ons Here Jesus Christus. 2 Deur Hom het ons in die geloof ook die vrye toegang verkry tot hierdie genade waarin ons nou vasstaan. En ons verheug ons ook in die hoop om deel te hê aan die heerlikheid van God. 3 Dit is egter nie al nie. Ons verheug ons ook in die swaarkry, want ons weet: swaarkry kweek volharding, 4 en volharding kweek egtheid van geloof, en egtheid van geloof kweek hoop; 5 en dié hoop beskaam nie, want God het sy liefde in ons harte uitgestort deur die Heilige Gees wat Hy aan ons gegee het.

## DINSDAG

*1 Johannes 5:13-15*

Hierdie brief skrywe ek vir julle, sodat julle kan weet dat julle die ewige lewe het, julle wat in die Seun van God glo. 14 En nou kan ons met vrymoedigheid na God gaan, omdat Hy ons gebede verhoor as ons enigiets volgens sy wil vra. 15 En aangesien ons weet dat Hy ons gebede verhoor as ons iets só vra, weet ons ook dat ons kry wat ons van Hom vra.

## WOENSDAG

*Efesiërs 3:1-13*

Daarom bid ek vir julle wat nie Jode is nie, ek, Paulus, 'n gevangene deur my diens aan Christus Jesus. 2 Julle het tog seker gehoor van die opdrag wat God in sy genade aan my gegee het in julle belang. 3 Hy het sy geheimenis deur 'n openbaring aan my bekend gemaak, soos ek dit hierbo kortliks beskrywe het, 4 en as julle dit lees, sal julle 'n begrip kry van my insig in die geheimenis van Christus. 5 Nog nooit tevore in die geskiedenis is die geheimenis aan die mensdom bekend gemaak soos God dit nou deur die Gees aan sy heilige apostels en profete geopenbaar het nie. 6 En dít is die geheimenis: deur die verkondiging van die evangelie en in hulle verbondenheid met Christus Jesus, word ook mense wat nie Jode is nie, saam met ons deel van die volk van God en lede van die liggaam van Christus, en kry hulle ook saam met ons deel aan wat God belowe het. 7 Van hierdie evangelie het ek 'n dienaar geword, 'n voorreg wat God in sy genade aan my gegee het deur sy krag in my te laat werk. 8 Hoewel ek die geringste van al die gelowiges is, het Hy aan my hierdie voorreg gegee om aan die heidennasies die evangelie van die onpeilbare rykdom van Christus te verkondig. 9 Ek moet aan almal bekend maak hoe God, die Skepper van alle dinge, nou sy verborge plan uitvoer nadat Hy dit deur al die eeue geheim laat bly het. 10 Maar nou het God die ryke



verskeidenheid van sy wysheid deur die kerk bekend laat word aan elke mag en gesag in die hemelruim, 11 soos Hy Hom van ewigheid af al voorgeneem het om dit deur Christus Jesus, ons Here, tot uitvoering te bring. 12 In ons verbondenheid met Hom en deur ons geloof in Hom kan ons met vrymoedigheid en vertrouwe na God gaan. 13 Daarom bid ek dat julle nie moedeloos word omdat ek om julle ontwil ly nie. Julle moet dit eerder as 'n eer beskou.

## DONDERDAG

*Matteus 6:5-13*

“Verder, as julle bid, moet julle nie soos die skynheiliges wees nie. Hulle hou daarvan om in die sinagoges en op die straathoeke te staan en bid sodat die mense hulle kan sien. Dit verseker Ek julle: Hulle het hulle beloning klaar weg. 6 Nee, as jy bid, gaan na jou kamer toe, maak die deur toe en bid tot jou Vader wat jy nie kan sien nie. Jou Vader wat sien wat verborge is, sal jou beloon.

7 “Wanneer julle bid, moet julle nie soos die heidene 'n stortvloed van woorde gebruik nie. Hulle verbeel hulle hulle gebede sal verhoor word omdat hulle baie woorde gebruik. 8 Moet dan nie soos hulle maak nie, want julle Vader weet wat julle nodig het, nog voordat julle dit van Hom vra.

9 “So moet julle bid:

“Ons Vader wat in die hemel is, laat u Naam geheilig word; 10 laat u koninkryk kom; laat u wil ook op die aarde geskied, net soos in die hemel. 11 Gee ons vandag ons daaglikse brood; 12 en vergeef ons ons oortredings soos ons ook dié vergewe wat teen ons oortree; 13 en laat ons nie in versoeking kom nie maar verlos ons van die Bose.

*Matteus 7:7-11*

“Vra, en vir julle sal gegee word; soek, en julle sal kry; klop, en vir julle sal oopgemaak word, 8 want elkeen wat vra, ontvang; en elkeen wat soek, kry; en vir elkeen wat klop, sal oopgemaak word. 9 “Watter mens onder julle sal vir sy seun 'n klip gee as hy brood vra, 10 of 'n slang as hy vis vra? 11 As julle wat sleg is, dan weet om vir julle kinders goeie dinge te gee, hoeveel te meer sal julle Vader wat in die hemel is, goeie gawes gee aan dié wat dit van Hom vra?

## VRYDAG

*Romeine 8:26-27*

Die Gees staan ons ook in ons swakheid by: ons weet nie wat en hoe ons behoort te bid nie, maar die Gees self pleit vir ons met versugtinge wat nie met woorde gesê word nie. 27 En God, wat die harte deurgrond, weet wat die bedoeling van die Gees is, want Hy pleit, volgens die wil van God, vir die gelowiges.























HIERDIE WEEK  
HET EK GELEER...

GEBRUIK DIE SPASIE HIER ONDER OM 'N PRENTJIE  
TE TEKEN OF TE SKRYF OOR WAT JY HIERDIE WEEK  
GELEER HET UIT JOU TYD IN GOD SE WOORD.



# GEBED

SKRYF JOU GEBEDSVERSOEKE EN  
LOFPRYSINGS VIR ELKE DAG NEER.

Gebedsfokus vir hierdie week:  
Spandeer tyd om vir jou kerk te bid.

MAANDAG

DINSDAG

WOENSDAG

DONDERDAG

VRYDAG

## WEEK 4

Aan Hom wat deur sy krag  
wat in ons werk, magtig is  
om oneindig meer te doen as  
wat ons bid of dink.

**Efesiërs 3:20**

---

# SKRIFGEDEELTES VIR WEEK 4

## MAANDAG

*2 Korintiërs 12:6-10*

Al sou ek wil roem, sal ek tog nie dwaas wees nie, omdat ek die waarheid sal praat. Maar ek weerhou my daarvan omdat ek nie wil hê dat iemand aan my meer moet toeskryf as wat hy my sien doen of my hoor sê nie, 7 selfs nie vanweë die verhewenheid van die openbarings nie. Daarom, sodat ek nie hoogmoedig sou wees nie, is daar vir my 'n doring in die vlees gegee, 'n boodskapper van Satan om my met vuiste te slaan. 8 Drie maal het ek die Here gebid dat dit van my af weggeneem moet word. 9 Sy antwoord was: "My genade is vir jou genoeg. My krag kom juis tot volle werking wanneer jy swak is." Daarom sal ek baie liever oor my swakhede roem, sodat die krag van Christus my beskutting kan wees. 10 Daarom is ek bly oor swakhede, beledigings, ontberings, vervolging en moeilikhede ter wille van Christus, want as ek swak is, is ek sterk.

## DINSDAG

*1 Samuel 1:1-20*

Daar was 'n man uit Ramatajim, 'n Suffiet uit die Efraimsberge. Hy was Elkana seun van Jerogam, seun van Elihu, seun van Togu, seun van Suf uit Efrata. 2 Hy het twee vrouens gehad. Die een se naam was Hanna en die ander s'n Peninna. Peninna het kinders gehad, maar Hanna nie. 3 Elkana het elke jaar uit sy stad uit na Silo toe gegaan om te aanbid en aan die Here die Almagtige offers te bring. Eli se twee seuns, Hofni en Pinehas, was in Silo priesters van die Here. 4 Elkana het gewoonlik op die dag wanneer hy geoffer het, dele van die offermaaltyd aan sy vrou Peninna en al haar seuns en dogters gegee. 5 Alhoewel hy vir Hanna liefgehad het, kon hy vir haar elke keer net een deel gee, want die Here het haar kinderloos laat bly. 6 Dan het die ander vrou haar baie gespot en verneder omdat die Here haar kinderloos laat bly het. 7 So het dit jaar vir jaar gegaan: elke keer as Hanna in die huis van die Here gaan offer het, het Peninna haar gespot, sodat sy gehuil het en nie wou eet nie. 8 Dan sê haar man Elkana vir haar: "Hanna, waarom huil jy? Waarom eet jy nie en waarom is jy hartseer? Is ek nie vir jou meer werd as tien seuns nie?"

9 Op 'n keer ná die offermaaltyd in Silo het Hanna opgestaan terwyl die priester Eli op sy stoel langs die deurkosyn van die tempel van die Here gesit het. 10 Sy was bitter hartseer en terwyl sy tot die Here gebid het, het sy onbedaarlik gehuil. 11 Sy het 'n gelofte afgelê en gesê: "Here, Almagtige, as U tog op my ellende wou let en aan my, u dienares, wou dink en my nie vergeet nie en aan my 'n seun gee, sal ek hom sy lewe lank aan U gee, en as teken daarvan sal sy hare nie afgesny word nie."



12 Sy het lank tot die Here gebid, en Eli het stip na haar mond bly kyk. 13 Hanna het in haar gedagte gepraat, net haar lippe het geroer. Eli kon nie haar stem hoor nie, en daarom het hy gedink sy is dronk. 14 Hy sê toe vir haar: “Hoe lank wil jy dronk bly? Loop word eers nugter!” 15 Maar Hanna het geantwoord: “Nee, Meneer, ek is maar net ’n vrou wat diep teneergedruk is. Ek het nie wyn of bier gedrink nie. Ek het my hart uitgestort voor die Here. 16 Moet tog nie dink ek is ’n slegte vrou nie. Dis oor my groot smart en leed dat ek so lank bly praat het.” 17 Toe sê Eli: “Wees gerus en gaan nou maar. Die God van Israel sal aan jou gee wat jy van Hom afgesmeek het.” 18 En sy het gesê: “Mag dit vir my wees soos u sê.” Sy het toe geloop en gaan eet, en sy was nie meer bedruk nie. 19 Die volgende môre het Elkana hulle vroeg opgestaan, die Here aanbid en teruggegaan huis toe. Nadat hulle tuis gekom het in Rama, het Elkana gemeenskap gehad met sy vrou Hanna, en die Here het aan haar gedink. 20 By die wisseling van die jaar was Hanna swanger. Sy het ’n seun in die wêreld gebring en uitgeroep: “Sy naam is Samuel: van die Here het ek hom afgesmeek!”

## WOENSDAG

*Klaagliedere 3:19-26*

Die gedagte aan my ellende en my vreemdelingskap is gal en gif vir my: 20 as ek daarvoor nadink, draai my gedagtes vas. 21 Maar dít sal ek ter harte neem en om dié rede bly ek hoop: 22 deur die liefde van die Here het ons nie vergaan nie; daar is geen einde aan sy ontferming nie, 23 dit is elke môre nuut. U trou is groot. 24 Ek sê vir myself: Die Here is my lewe, daarom hoop ek op Hom. 25 Die Here is goed vir wie op Hom bly hoop, vir die mens wat na sy wil vra; 26 dit is goed om geduldig te wag op die hulp van die Here;

## DONDERDAG

*1 Konings 18:20-39*

Toe stuur Agab die boodskap aan al die Israeliete; hy het ook die profete op Karmelberg laat bymekaarkom. 21 Elia het voor die hele volk gaan staan en gesê: “Hoe lank hou julle aan met hink op twee gedagtes? As die Here God is, volg Hóm; maar as dit Baäl is, volg hóm.” Die volk het hom nie ’n woord geantwoord nie. 22 Toe sê Elia vir die volk: “Ek alleen het oorgebly as profeet van die Here, maar daar is vier honderd en vyftig profete van Baäl. 23 Bring nou vir ons twee bulle. Hulle kan vir hulle een bul kies en hom opsny en op die hout uitlê. Maar hulle moet dit nie aan die brand steek nie. Ek sal dieselfde doen met die ander bul. Ek sal hom op die hout uitlê, maar dit ook nie aan die brand steek nie. 24 Dan moet julle tot julle god bid, en ek sal tot die Here bid. Hy wat met vuur antwoord, is God.” Die hele volk het geantwoord: “Dis goed so.” 25 Toe sê Elia vir die profete van Baäl: “Kies ’n bul en maak julle hom eerste gereed, want julle is die meeste. Bid dan tot julle god. Maar julle mag nie die vuur aansteek nie.” 26 Hulle neem toe die bul wat hy hulle laat kies het en maak hom gereed. Hulle bid toe tot Baäl en roep van die môre af tot die middag toe: “Baäl,

antwoord ons!” Daar was nie ’n geluid van hom af nie. Niemand het geantwoord nie, hoe hulle ook al vir Baäl gedans het by die altaar wat hulle gemaak het. 27 Teen die middag het Elia hulle begin spot: “Roep harder! Hy is mos ’n god! Miskien is hy diep in gedagte of gou bietjie uit, of op reis, of dalk slaap hy en moet hy eers wakker word!”

28 Toe roep hulle nog harder; en soos altyd kerf hulle hulle stukkend met swaarde en spiese dat die bloed oor hulle loop. 29 Tot die namiddag het hulle aangehou te kere gaan, en teen laatmiddag, die tyd vir die aandoffer, was daar nog geen geluid nie. Niemand het geantwoord nie, daar was geen reaksie nie. 30 Toe sê Elia vir die hele volk: “Kom staan hier by my,” en hulle het almal by hom gaan staan. Toe het hy die stukkende altaar van die Here weer reggemaak. 31 Hy het twaalf klippe gevat, net soveel as die stamme van die nageslag van Jakob vir wie die Here gesê het: “Jou naam sal Israel wees.” 32 Met die klippe het hy die altaar van die Here reggemaak en ’n behoorlike sloot daar rondom gegrawe. 33 Toe sit hy die hout reg, sny die bul stukkend en lê dit uit op die hout. 34 Toe beveel hy: “Maak vier kruike vol water en gooi dit uit op die brandoffer en op die hout.” Daarna sê hy: “Doen dit weer,” en hulle het dit nog ’n keer gedoen. Toe sê hy: “Doen dit ’n derde keer,” en hulle het weer so gemaak. 35 Toe stroom die water oor die hele altaar, en selfs die sloot rondom het vol geword. 36 Teen die tyd van die aandoffer het die profeet Elia vorentoe gekom en gebid: “Here, God van Abraham, Isak en Israel, laat dit tog vandag bekend word dat U God is in Israel, en dat ek u dienaar is wat op u bevel al hierdie dinge doen. 37 Antwoord my, Here, antwoord my tog dat hierdie volk kan besef dat U, Here, God is, en dat dit U is wat hulle harte weer tot U bekeer.” 38 Toe kom daar vuur van die Here af en dit verbrand die offer, die hout, die klippe en die grond. Dit het selfs die water in die sloot opgelek. 39 Toe die hele volk dit sien, het hulle op hulle knieë geval en uitgeroep: “Die Here is God! Die Here is God!”

## VRYDAG

*Johannes 1:16*

Uit sy oorfloed het ons almal genade op genade ontvang.

*Efesiërs 3:20-21*

Aan Hom wat deur sy krag wat in ons werk, magtig is om oneindig meer te doen as wat ons bid of dink, 21 aan Hom kom die eer toe, in die kerk, deur ons verbondenheid met Christus Jesus, deur al die geslagte heen tot in alle ewigheid. Amen.

























HIERDIE WEEK  
HET EK GELEER...

GEBRUIK DIE SPASIE HIER ONDER OM 'N PRENTJIE  
TE TEKEN OF TE SKRYF OOR WAT JY HIERDIE WEEK  
GELEER HET UIT JOU TYD IN GOD SE WOORD.



# GEBED

SKRYF JOU GEBEDSVERSOEKE EN  
LOFPRYSINGS VIR ELKE DAG NEER.

Gebedsfokus vir hierdie week:  
Spandeer tyd om vir sendelinge te bid.

MAANDAG

DINSDAG

WOENSDAG

DONDERDAG

VRYDAG



## WEEK 5

Skep vir my 'n rein hart,  
o God, vernuwe my gees  
en maak my standvastig.

**Psalm 51:12**

---

# SKRIFGEDEELTES VIR WEEK 5

## MAANDAG

*Psalm 5*

Vir die koorleier: met fluitspel. 'n Psalm van Dawid.

2 Luister tog na my woorde, Here, hoor hoe ek sug. 3 Gee tog aandag aan my hulpgeroep, my Koning en my God, want tot U bid ek. 4 U luister na my stem in die môre, Here, in die môre terwyl ek voor U verskyn en op U wag. 5 U is nie 'n God wat onreg verdra nie, die kwaad het by U geen plek nie. 6 Hooghartiges durf nie voor U kom nie. U haat almal wat onreg doen, 7 U roei alle leuenaars uit. Die Here verafsku moordenaars en bedrieërs.

8 Maar ek, ek mag deur u groot liefde in u huis ingaan en in u heilige tempel buig met die eerbied wat aan U verskuldig is. 9 Omdat ek vyande het, Here, leer my tog wat reg is en help my om u wil te doen. 10 Niks wat hulle sê, is waar nie; al waaraan hulle dink, is my ondergang; hulle vlei my, maar hulle wil my in die graf laat beland. 11 Laat hulle daarvoor boet, o God, laat hulle deur hulle eie planne tot niet gaan. Dryf hulle weg oor hulle baie sondes, want hulle is opstandig teen U. 12 Maar laat almal wat by U skuil, bly wees, laat hulle altyd jubel. U beskerm dié wat u Naam liefhet, en hulle juig oor U. 13 U laat dit goed gaan met die regverdige, Here, u goedheid beskerm hom soos 'n skild.

*Spreuke 8:17*

Ek het dié lief wat my liefhet; dié wat my soek, vind my.

## DINSDAG

*Psalm 63*

'n Psalm van Dawid, na aanleiding van sy verblyf in die Judawoestyn.

2 Ek soek U, o God, my God, ek dors na U; ek smag na U soos in 'n dor en droë land, 'n land sonder water. 3 Ek wil by U in die heiligdom wees om daar u mag en grootheid te ondervind. 4 U troue liefde is meer werd as die lewe; daarom sal ek U prys. 5 Ek sal U my lewe lank loof, my hande ophef om u Naam te prys. 6 Soos elke keer wanneer ek u goeie gawes geniet, sal ek U altyd roem met jubelende mond. 7 As ek aan U dink op my bed, oor U peins in die nag, dan weet ek: 8 U is vir my 'n hulp, en dan juig ek oor die beskerming onder u vleuels. 9 Ek bly altyd naby U, u hand ondersteun my. 10 Maar hierdie mense wat my ondergang soek, mag hulle wegsink in die dieptes van die aarde! 11 Mag hulle aan die swaard oorgegee word en aas vir die jakkalse word!

12 Laat die koning hom in God verbly, laat elkeen wat hom op God verlaat, Hom prys. Die mond van die vals mens word toegestop.

## WOENSDAG

*Psalm 100*

'n Dankpsalm.

Juig tot eer van die Here, almal op aarde!

2 Dien die Here met blydschap! Kom voor Hom met gejubel! 3 Erken dat die Here God is: Hy het ons gemaak en ons is Syne, ons is sy volk, sy eie kudde. 4 Gaan sy poorte binne met dankliedere, sy tempel met lofgesange, dank Hom, prys sy Naam, 5 want die Here is goed, aan sy liefde is daar geen einde nie, sy trou duur van geslag tot geslag.

## DONDERDAG

*Psalm 18*

Vir die koorleier. 'n Lied van Dawid, die dienaar van die Here. Hy het dié woorde tot die Here gerig op die dag toe die Here hom gered het uit die mag van al sy vyande en uit die mag van Saul.

2 Hy het gesê: Ek het U baie lief, Here, my Sterkte. 3 Die Here is my rots, my skuilplek en my redder, my God, my rots, by wie ek skuil, my skild en sterk verlosser, my veilige vesting. 4 Onder bespotting roep ek na die Here, dan word ek van my vyande verlos. 5 Bande van die dood het my omsluit, strome van onheil het my verskrik. 6 Bande van die doderyk het my vasgetrek, strikke van die dood het my bedreig. 7 In my nood roep ek na die Here, ja, ek roep om hulp na my God. In sy paleis hoor Hy my geroep. Ek roep na Hom om hulp, en Hy luister na my.

8 Die aarde het geskud en gebewe, die fondamente van die berge het getril en geskud, want Hy was vertoorn. 9 Rook het uit sy neus getrek, vuur uit sy mond het alles verteer, gloeiende kole uit sy binneste. 10 Hy het die hemel afgebuig en afgekom, onder sy voete was duisternis. 11 Hy het op 'n gerub geklim en gevlieg; op die vleuels van die wind het Hy nadergesweef. 12 Hy het Hom in donkerte gehul, donker waters en wolkemassas was sy bedekking. 13 Uit die gloed voor Hom het wolke getrek, hael en weerligstrale. 14 Die Here het dit uit die hemel laat dreun, die Allerhoogste het sy stem laat hoor in hael en weerligstrale. 15 Hy het sy pyle afgeskiet en die vyand uitmekaar gejaag, hulle met 'n menigte weerligstrale op loop gejaag. 16 Die seabodem het sigbaar geword, die fondamente van die aarde is blootgelê deurdat U, Here, op hulle gebulder het met die orkaan van u toorn. 17 Van bo af het Hy sy hand uitgestrek en my gegryp, my uit geweldige waters uitgelig. 18 Hy het my gered van my vyand wat sterk was, van my haters toe hulle vir my te magtig was. 19 Die dag toe hulle

my aangeval het, was my ondergang naby, maar die Here het my daarvan bewaar. 20 Hy het my in vryheid laat uitgaan, my gered omdat Hy my liefhet. 21 Die Here het aan my reg laat geskied. Hy het my onskuld aanvaar, 22 want ek het die wil van die Here gehoorsaam en my nie teenoor my God skuldig gemaak nie; 23 ek het my deur al sy bepalings laat lei en nie van sy voorskrifte afgewyk nie. 24 Ek was opreg voor Hom, ek was op my hoede teen enige ongeregtheid. 25 Die Here het aan my reg laat geskied, want ek was onskuldig in sy oë.

26 U betoon U getrou teenoor die getroue, opreg teenoor die opregte, 27 rein teenoor die reine, maar U verwerp die huigelaar. 28 U red die verdrukke volk, U verneder die trotses. 29 U, Here, laat my lamp helder skyn; my God gee lig as dit donker is om my.

30 Met u hulp loop ek 'n oormag storm, met my God by my is geen stadsmuur vir my te hoog nie. 31 Wat God doen, is volmaak; wat die Here sê, is suiwer. Elkeen wat by Hom skuiling soek, beskerm Hy. 32 Waarlik, wie anders as die Here is God? Ja, wie anders as ons God is 'n rots? 33 God omgord my met krag; Hy maak my pad voorspoedig. 34 Hy maak my voete soos dié van 'n ribbok; op hoë plekke laat Hy my stewig staan. 35 Hy leer my hande om oorlog te maak, my arms om selfs die stramste boog te span. 36 Die redding wat U gebring het, was vir my 'n beskerming, u regterhand het my ondersteun, deur u hulp het ek sterk geword. 37 U het my ruim vastrapplek gegee, my enkels het nie geswik nie. 38 Ek het my vyande agtervolg en ingehaal, ek het nie omgedraai voordat hulle uitgewis was nie. 39 Ja, ek het hulle verpletter, sodat hulle nie weer kon opstaan nie. Hulle het voor my voete gesneuwel. 40 U het my met krag omgord vir die stryd, U het my teëstanders voor my laat swig. 41 U het my vyande voor my laat vlug en ek kon my haters uitwis. 42 Hulle roep om hulp en daar is niemand wat help nie; hulle roep selfs na die Here, maar Hy antwoord hulle nie. 43 Ek maak hulle fyn soos stof in die wind, ek laat hulle wegspat soos modder in die strate, ja, ek vermorsel hulle. 44 U het my gered van opstandige mense, my as hoof van vreemde nasies aangestel. 'n Volk wat ek nie geken het nie, is my onderdane. 45 Wie ook al van my verneem, gehoorsaam my. Vreemde volke kruip voor my. 46 Hulle skrik en kom bewend uit hulle forte uit. 47 Die Here leef! Ek loof Hom wat my rots is. Ek prys my God wat my gered het. 48 Dit is God wat my die oorwinning gee, wat volke aan my onderwerp. 49 Hy red my van my vyande. Ja, U stel my buite bereik van my teëstanders, U bevry my van geweldenaars. 50 Daarvoor sal ek U loof voor die nasies, Here, tot eer van u Naam 'n lofpsalm sing! 51 Dit is Hy wat aan sy koning groot oorwinnings gee en trou aan sy gesalfde betoon, aan Dawid en sy nageslag vir altyd!

## VRYDAG

### *Psalm 51*

Vir die koorleier. 'n Psalm van Dawid, na aanleiding daarvan 2 dat die profeet Natan na hom toe gekom het oor sy owerspel met Batseba.

3 Wees my genadig, o God, in u troue liefde, wis my oortredings uit in u groot barmhartigheid! 4 Was my skoon van my skuld, reinig my van my sonde! 5 Ja, my

oortredings ken ek en van my sonde bly ek altyd bewus. 6 Teen U alleen het ek gesondig, ek het gedoen wat verkeerd is in u oë. U uitspraak is dus reg en u oordeel regverdig. 7 Ek was al skuldig toe ek gebore is, met sonde belaaï toe my moeder swanger geword het. 8 Maar U verwag opregtheid diep in 'n mens se hart: laat ek dan diep in my binneste weet hoe U wil dat ek moet lewe. 9 Neem tog my sonde weg dat ek rein kan wees, was my dat ek witter as sneeu kan wees. 10 Laat my weer blydschap en vreugde belewe. U het my verbrysel; laat my weer jubel. 11 Moet tog nie ag slaan op my sondes nie, wis al my skuld uit! 12 Skep vir my 'n rein hart, o God, vernuwe my gees en maak my standvastig. 13 Moet my tog nie van U af wegdryf en u Heilige Gees van my af wegneem nie! 14 Laat my weer die blydschap ervaar van iemand wat deur U verlos is, laat my U weer met toewyding dien. 15 Dan sal ek oortreders leer wat U van 'n mens verwag; dat die sondaars hulle tot U sal bekeer. 16 Red my van ondergang, o God, my Redder, dat ek kan jubel oor u verlossingsdaad. 17 Here, gee my die woorde om u lof te verkondig. 18 'n Offer vra U nie, anders sou ek dit bring; 'n brandoffer wil U nie hê nie. 19 Die offer wat U wil hê, o God, is verootmoediging: U sal 'n hart vol ootmoed en berou nie gering ag nie, o God.

20 Laat Sion u liefde en u goedheid ondervind: herbou tog die mure van Jerusalem. 21 Dan sal die offers wat voorgeskryf is, weer vir U aanneemlik wees: offerdiere wat heeltemal verbrand word. Dan sal hulle weer bulle op u altare offer.























HIERDIE WEEK  
HET EK GELEER...

GEBRUIK DIE SPASIE HIER ONDER OM 'N PRENTJIE  
TE TEKEN OF TE SKRYF OOR WAT JY HIERDIE WEEK  
GELEER HET UIT JOU TYD IN GOD SE WOORD.





# GEBED

SKRYF JOU GEBEDSVERSOEKE EN  
LOFPRYSINGS VIR ELKE DAG NEER.

Gebedsfokus vir hierdie week:  
Spandeer tyd om vir jouself te bid.

MAANDAG

DINSDAG

WOENSDAG

DONDERDAG

VRYDAG

## WEEK 6

Ook bid ek dat julle liefde al hoe meer sal toeneem in begrip en fyn aanvoeling, sodat julle die dinge sal kan onderskei waarop dit werklik aankom. Dan sal julle op die dag wanneer Christus kom, onberispelik en sonder blaam wees, en deur Jesus Christus sal julle geheel en al in die regte verhouding met God wees, tot sy lof en eer.

**Filippense 1:9-11**

---

# SKRIFGEDEELTES VIR WEEK 6

## MAANDAG

*Kolossense 3:12-17*

Julle is die uitverkore volk van God wat Hy baie liefhet. Daarom moet julle meelewend, goedgesind, nederig, sagmoedig en verdraagsaam wees. 13 Wees geduldig met mekaar en vergewe mekaar as die een iets teen die ander het. Soos die Here julle vergewe het, moet julle mekaar ook vergewe. 14 Bo dit alles moet julle mekaar liefhê. Dit is die band wat julle tot volmaakte eenheid saambind. 15 En die vrede wat Christus gee, moet in julle lewens die deurslag gee. God het julle immers geroep om as lede van een liggaam in vrede met mekaar te lewe. Wees altyd dankbaar. 16 Die boodskap van Christus moet in sy volle rykdom in julle bly. Leer en onderrig mekaar met alle wysheid. Met dankbaarheid in julle harte moet julle psalms, lofgesange en ander geestelike liedere tot eer van God sing.

17 En wat julle ook al sê of doen, sê en doen dit alles in die Naam van die Here Jesus en dank God die Vader deur Hom.

## DINSDAG

*Matteus 22:37*

Jesus antwoord hom: “ ‘Jy moet die Here jou God liefhê met jou hele hart en met jou hele siel en met jou hele verstand.’

*2 Petrus 3:18*

Sorg daarenteen dat julle steeds toeneem in die genade en kennis van ons Here en Verlosser, Jesus Christus. Aan Hom behoort die heerlikheid, nou en tot in ewigheid!

## WOENSDAG

*Johannes 15:12-13*

Dit is my opdrag: Julle moet mekaar liefhê soos Ek julle liefhet. 13 Niemand het groter liefde as dit nie: dat hy sy lewe vir sy vriende aflê.

*1 Petrus 4:8-10*

Bo alles moet julle mekaar hartlik liefhê, want die liefde bedek baie sondes. 9 Wees gasvry teenoor mekaar sonder om te kla. 10 As goeie bedienaars van die veelvoudige genade van God moet elkeen, namate hy 'n genadegawe ontvang het, die ander dien.

## DONDERDAG

*Matteus 16:18*

En Ek sê vir jou: Jy is Petrus, en op hierdie rots sal Ek my kerk bou, en die magte van die doderyk sal dit nie oorweldig nie.

*Filippense 1:9-11*

Ook bid ek dat julle liefde al hoe meer sal toeneem in begrip en fyn aanvoeling, 10 sodat julle die dinge sal kan onderskei waarop dit werklik aankom. Dan sal julle op die dag wanneer Christus kom, onberispelik en sonder blaam wees, 11 en deur Jesus Christus sal julle geheel en al in die regte verhouding met God wees, tot sy lof en eer.

*Openbaring 2:4*

Maar Ek het dít teen julle: julle het My nie meer so lief soos in die begin nie.

## VRYDAG

*Psalms 91:1-4*

Hy wat by die Allerhoogste skuiling vind en die beskerming van die Almagtige geniet, 2 hy sê vir die Here: “U is my toevlug en my veilige vesting, my God op wie ek vertrou.” 3 Dit is Hy wat jou uit die voëlvanger se wip hou en jou bewaar van dodelike siekte. 4 Hy beskut jou onder sy vleuels en is vir jou ’n veilige skuilplek. Sy trou beskerm jou aan alle kante.

*Psalms 103:1-5*

Van Dawid.

Ek wil die Here loof, met alles wat in my is, wil ek sy heilige Naam loof. 2 Ek wil die Here loof en nie een van sy weldade vergeet nie. 3 Dit is Hy wat al my sonde vergewe, wat al my siekte genees, 4 wat my red van die graf en my met liefde en ontferming kroon, 5 wat my die goeie in oorvloed laat geniet, my die jeugdige krag van die arend skenk.























HIERDIE WEEK  
HET EK GELEER...

GEBRUIK DIE SPASIE HIER ONDER OM 'N PRENTJIE  
TE TEKEN OF TE SKRYF OOR WAT JY HIERDIE WEEK  
GELEER HET UIT JOU TYD IN GOD SE WOORD.





